

名

山

藏

名山藏卷之十六

臣何喬遠恭

典謨記

憲宗純皇帝

八年正月虜人大同西路募民納馬予冠帶揀閱各營馬步官軍兵部言日者四川盜起燒劫榮隄爲二縣山西河南山東草寇竊發南北直隸水旱相仍淮河淤塞湖水耗竭所在民多轉徙行舟財被劫掠浙江旱潦齊患去歲江潮益漲草盜竊起兩廣之賊陝西之虜荆襄之流民寧息靡日所在有司旣不能消

變於未然又不能弭患乎已發事機一失爲憂將大
伏惟申飭中外除盜安民禁嚴撫捕罰重隱蔽務絕
其根類毋容玩愒納之穠穠賊首黃公剛等劫濱州
及上林縣等村峒癸亥皇太子薨虜入安邊營左參
將都指揮錢亮引兵追之與戰五晝夜我軍死者十
三四於是西邊告急二月上命戶部右侍郎陳浚總
督陝西軍餉命吏部右侍郎葉盛往延綏等處議處
兵事謚皇太子曰悼恭以山西河南災傷連歲虜寇
深入復設兩省巡撫榜諭奸徒之藏妖書者虜入定
邊營把總都指揮廖斌追擊敗之虜入寧塞營總兵

官許寧都指揮李英指揮周賢都指揮劉寵合擊勝
之皆賜勅獎勵議搜虜河套忻王見怡薨旌異岳州
知府吳節延平知府盛顥金華知府李嗣瑞州知府
史宗禮平陽知府胡睿通判李杲永平知府王璽宿
州知州劉槃歷城知縣沈瑀商水知縣羅楫廣平知
縣何琮靈壽知縣劉冀貴饒陽知縣張韓鹽山知縣
武震滿城知縣劉翥新河知縣蕭智安平知縣王瑾
景州判官王左潞城知縣杜彪三月命荆襄流民遣
歸原籍復業者所在巡撫等官優卹未復業者招撫
之命籍團營官軍名數季終以聞四月京畿自二月

至是月不兩大風竟日運河水涸遣祭于天地社稷山川復分遣兩京侍郎祭告淮瀆東海山川之神冊申鑿爲蜀王辛巳月食命三法司審錄罪囚遂分命刑部大理司屬分審于天下五月命武靖侯趙輔佩平虜將軍印充總兵統制諸路兵與總督軍務右都御史王越赴延綏等處擊虜六月虜入平涼鞏昌臨洮等府州縣七月修隆善寺畢工工匠陞文思院副使者三十人書碑官尚寶司少卿任道遜等竝進卿少工科都給事中王詔等言比歲以來星妖示見江海泛溢天變於上地變於下炎夏霜降平地阜出猛

虎食人兩電傷稼夷狄侵疆水旱相仍瘟疫流行下
民疾苦陛下此時汰冗去濫猶恐不足節用抹凶寺
成碑完官爵陞授一至於此西征北伐捐軀隕命之
人胡以勸之伏望追寢前命慎重名器不允八月旌
異長沙知府錢澍常德知府楊宣建昌知府謝士元
士元長樂人任戶部郎上疏陳四弊爲尚書年富所
奏計有涉中官力抗之權建昌知府蕭學官作禮器
行射法購書以惠來學南京大理寺卿夏時正巡江
西首以士元名旌于朝滿九載民詣闕請留陞從三
品俸仍知府事以憂去服闋改知廣信永豐有銀冶
久闕處州民常盜發動以百計士元勒兵捉盜左股
被刺傷竟俘賊塞穴還用薦擢右副都御史巡撫其
地著有大小姓者相煽爲亂士元托行邊閱兵積餉
爲戰禦計賊獻羊豕迂道左士元慰遣之民以歲侵
流入蕃部爲廣室十餘區糜之藥病葬死歸給符像

存活甚多弘治中乞致仕

隆慶知州李鼎靖州知州蔣淇溫州通

判余鼎實保定府推官鄭傑長沙知縣艾旻甌寧知

縣喬銘

銘趙城人以貢士任廉試剛介勞心賑饑

九月秀王見澍薨命宣

城伯衛穎守備鳳陽十月戊寅月食十二月賑京城

乞食饑民虜入興武營等處寧夏總兵官都督同知

范瑾戰却之

九年正月真人張元吉旣免死謫戍其子玄慶爲父

求免以母老子幼爲辭上允之給事中虞瑤監察御

史龔晟等劾奏元吉擅作威福棄絕倫理改易勅書

僭用器物姦收祖婢勒要人財挾讎謀死三十八人

造意殺死一家三人罪當凌遲處死有日獲宥發戍
當時科道之臣尚以爲言今復得放歸愚昧小人未
諭聖意若以元吉私情可憫則其所殺四十餘人之
中與獄中他罪囚豈無母老子幼如元吉者元吉本
五斗米賊後奉非道教有何功益蒙此眷遇一事雖
細關繫祖法朝綱伏惟審度上曰待其親終戍邊如
舊命順天府分官賑濟貧民勸課農桑虜入紅沙塢
守備偏頭都指揮戴廣追敗之虜入興武營遊擊將
軍王璽參將神英等遇之漫天嶺平虜將軍總兵官
寧晉伯劉聚等遇之牛坡峰副總兵孫鉞與王璽神

英復遇之劉家塢擊却之追擊又敗之竝賜勅獎勵
命儒臣考訂宋儒朱熹資治通鑑綱目及後儒所著
考異考證諸書而以王逢集覽尹起莘發明附其後
三月始遣監察御史巡鹽河東陞福寧縣爲州減雲
南銀課十分之五乙巳夜南京大風雨拔太廟社稷
壇樹旌異廬州知府朱鏞大名知府熊祥陝西按察
司僉事伍福南昌府同知李泰冀州知州胡瑛綏德
知州郝清臨江府通判王維台州府通判孔彥綸隴
州同知張詡城武知縣王達曲陽知縣喬良北直隸
山東民饑相食四月辛酉朔日有食之以旱災免山

東今年稅糧順天等府亦量減之命巡街巡河御史
瘞棄屍福餘等三衛虜賊結構海西女直屢犯邊境
遼東總兵官都督同知歐信副總兵韓斌等戰敗之
賜勅獎勞上閱騎射于西苑黜其最下者命自後精
選以補缺五月陞都督僉事李白玉爲都督同知自
內旨以山東旱饑命河南等處巡撫等官分發其流
民於諸州縣所在區畫屋舍驗口給糧秋成遣之更
施山東徵役之賦賑以臨清倉粟米十萬起致仕禮
部右侍郎倪謙翰林院侍讀學士錢溥于南京管事
自內旨南北科道官相繼言謙溥不顧清議有玷名

節上置之六月進封趙輔爲武靖伯七月復設蘇松
常鎮湖五府并所屬縣勸農通判縣丞各一員虜寇
榆林濶都督僉事許寧等擊却之八月尚寶司卿楊
導言尚寶司官終身不調旅進素餐而已欲求試如
諸司上曰果有材吏部舉用之古人云立賢無方宣
城人阮廷珪言故父遷于自交趾歸附有功歷官知
府垂老致仕旅死宣城困苦流離乞授臣一職冀圖
自活下吏部難之上曰其授官縣丞食祿不事事稱
朕柔懷意九月監察御史楊守隨等言頃因山東災
傷議者爲採荒權宜之計許在京辦事及寄名吏納

銀俱免京考見在當該者俱免考試與冠帶悉依資
格選用如是則文移通否年歲老耄一切不問黷貨
規進倖門靡極害政莫甚焉上曰朕患吏道不清嚴
考試爲進退募入貲賑饑免考登仕教吏貪也御史
言是亟罷勿行重建伯夷叔齊廟于永平賜祠額曰
清節冊壕城爲遼王勅各邊巡撫都御史整飭邊備
十月王越襲虜紅鹽池大破之賜勅獎諭癸酉月食
魯王泰堪薨十一月重開騎射於西苑命翰林院編
纂宋元二史上接通鑑綱目開八館編纂之十二月
復設河州及文禮二縣

十年正月勅王越專居固原總督三邊諸鎮軍馬二月晉王奏鎮國將軍美塔有母喪請并以其子應得祿米量支本色爲喪費丁戶部議無例上曰人子不得自盡於送終則終身悔雖無例特允之三月南昌知府王詔詣京考滿以疾久不還任巡視侍郎原傑奏罷之詔賂中官自陳疾愈累疏稱屈下吏部辯理得復六科給事中劾詔宜黜上曰原傑黜詔以病也病瘳矣何不可責給事而恕之崇王之國大應法王劄實巴死有旨如大慈法王例建塔葬之撥官軍四千供役禮科給事中王坦言劄實巴夷狄之人假名

釋氏陛下待之殊禮封之顯號特借此以撫其種類
使不患邊耳如例祭葬之足矣而祭祀之品逾於王
者造塔之費幾於山陵今歲旬餓饉連年餓殍載路
卽以是費拯流離垂死之民豈不愈於厚一荒誕之
胡僧哉上曰給事中言濫矣大應法王造塔比大慈
法王已減三之二不許四月浙江參議審珍爲巡撫
都御史所黜具疏稱枉吏部抑之特命復任增雲南
鄉試舉人五名以銜渠污塞逮中兵馬司指揮巡城
御史錦衣衛官較于獄五月禁藏妖書增設州縣勸
農官六月岷王音近爲其乳母子觀請免戊吏部覆

奏不宜上曰觀母老失養王爲請厚道也其放歸養
母死而戍邊陞工部右侍郎王詔爲左侍郎通政司
右通政程萬里爲右侍郎自內旨南京科道官言王
詔寘珍旣退復用啓奔競寅緣之端上曰旣命之矣
兵部會吏部舉可巡撫寧夏者二人上不允已復推
上曰邊境巡撫不宜用未練事者吏兵二部故當究
之姑宥罪而陞南京都察院左僉都御史張鵬爲右
副都御史以往起養病右都御史林聰以代鵬給度
僧道南京監察御史任英言比歲旱潦相仍災異迭
見內地荐饑邊塞多警京城內外民食孔艱若復行

給度則天下僧道紛集京師米價益貴况此輩奸盜者多卽如四川僧徒悟昇乃爲賊首乞罷其令不從發團營官軍三千疏浚京師溝渠七月遼王壕城之長子卒亡于請以其妃妾殉上曰先帝顧命毋殉後宮也王何戾耶婦無子別室遷之濮州民有乘饑爲亂者州捕殺之其弟同居當連坐上曰民饑思亂朕甚憫焉同居者不預謀杖戍之殺者家屬財產悉毋籍八月祀宋儒程顥程頤于博野縣

程頤故博野人其五世祖爲宋

太宗時端明殿學士因家洛陽知縣裴泰奏其事故有是命

旌異廣東按察司副

使孔鏞僉事陶魯林錦賜誥命九月癸丑朔日有食

之令侯伯新襲及駙馬年少者送國子監讀書習禮

十月旌異青州知府李昂湖廣按察司僉事尚禡浙

江按察司僉事周正方河南府知府吉慶直隸真定

府通判傅恕順德府通判李觀故城知縣杜中陽城

知縣耿昇錢塘知縣謝頰賜誥勅增設山東布政司

參政一員提督勸農十二月起復太常寺掌寺事禮

部左侍郎萬祺於家自內旨科道官言國家大祀時

享諸司不敢以刑喪奏刑喪之人不得陪祀供事而

况掌祀之大臣太常則掌祀也禮卿之貳則大臣也

上曰朕將別用焉

萬祺南昌人精祿命以祿授鴻臚寺序班有捷之者超擢吏部主事

石亨初為英宗謀復辟以問謀祺日某詳太上前命
霍復為天子力贊之及英宗即位以亨薦召見權吏
部郎成化末累遷工部尚書太子少保祺起家掾
吏列於六卿物論不平然能自謙約以身名終罷

湖廣寶慶等府縣淘金

時內費日侈帑金漸乏命寶
慶府舊場淘金場二十一歲

役民五十五萬有奇而武陵縣民傷蛇虎死大水
者無算僅得金三十餘而已巡撫官以聞詔罷之都

察院右都御史李賓奏錦衣鎮撫累問妖言罪人所

追妖書圖本悉妄誕不經愚民往往被惑乞備錄書

名榜示天下使咸知其謬幻詔可

其書有番揭地搜
神記誣金龍八寶

混天機神經安天定世續靈關九龍戰江神圖天宮

如賢變遇神圖經鎮天降妖鉄板達通天混海圖定

天定圖水晶珠經金鎖洪陽大策金鋒都天玉鏡六

甲明天了地金神飛通黑阮書通天徹地照僊爐經

三天九關夜海金船經九關七逆篡天經八寶擎天

白玉柱天子金地醫劉太寶泄漏天機伍公經奪天

周叔同纂經傳手記三
金燈記天形圖天觀靈經定世
爲禽經錦所刺通天立世
章紫鏡經玉賢鏡圖附記
包惜三聖爭功聚寶經金
九曜光曆上金華蓋水鑑
書式生境記會濟定天經
三武校古金鏡經新鎖天
鏡國定世三陽曆玄元寶
大國推背書九曜飛天曆
鏡玄天寶鏡經上天梯等
刑圖應劫經天陽形首妙
玄娘聖母親書太上天玄
光妙品奪日金燈紅塵三
神圖金鋒都天玉鏡玉樹
無傾紫金齡銀城
圖錄龍鳳勤合
虜入馬營齊家溝赤城袁家墩等

當先官軍陞賞有差

十一年正月考察朝覲官吏部奏罷甯珍王詔從之

故真人張元吉母死當戍釋為民祀故監察御史伍

驥都指揮丁泉于福建上杭縣

汀州府上杭縣人宏奏天順六年盜賊

竊發都指揮丁泉率兵守備本縣扞禦有方賊不敢

犯次年賊勢益熾巡按監察御史伍驥入稟論以福

馳至汀密察賊情調兵策應單騎入巢諭以禍福賊

出不意駭甚及聞驥諭感泣至誠旬日之間脅從來

歸者千七十餘俘賊首李宗政等負險不服遂與泉

率兵深入攻破營寨泉奮身力戰為賊所害驥總督

官軍弔死恤傷激揚義氣與賊戰十餘合破犁壁等

一十八寨擒斬八百餘人賊平未幾驥遂殞命民皆

傷痛相率出長財立祠乞戴諸祀典歲時致祭事下

禮部覆奏得旨領曰忠義之節縣人景泰甲戌進

士莊重寡言居風憲持大體見同類輒拾大二月閉

近以沽名者恒非之過事當為果次敢任

名山誌

卷之六

興漢記

十

宜陽等縣銀峒申明酷刑之禁乙未月食三月虜自
尖山墩西空入寇大同右參將都指揮李鎬遊擊將
軍都督僉事綏謙等禦之金山兒迤西敗之追至嚮
水河及尖山西空又敗之賜勅獎諭寧晉伯劉祿卒
祿年故少命賜祭不予葬免輟朝著爲令分命監察
御史清理天下軍伍以多少爲殿最四月置寶豐商
城二縣命南北兩畿河南河廣江西地廣民衆之處
增設勸農官一員壬辰乾清宮災五月紀宮人之生
孝宗皇帝六年矣以萬貴妃寵且妬不敢聞上至是
上始知之下禮部擬名名不愜上意上自名之遂見

皇子於羣臣中外人心莫不歡慶六月湖廣總兵官
左都督李震等奏沅靖等邊衛控制川貴廣西諸種
蠻夷頃者苗賊攻掠不已雖已調兵捍禦卒難成功
請如正統景泰年間靖遠伯王驥等故事大勦之上
曰蠻夷猾夏自古而有要在邊將羈縻得宜其令震
等與四川貴州廣西參將土官人等分屯禦之肆侮
拒敵則行勦殺聞風畏威則加撫諭皇子母紀氏薨
七月唐王瓊垣薨印記馬騾駒於北直隸山東河南
等處修理南京太廟八月借漕卒浚舊通惠河以通
京師漕輓命朝官離家十年者方許省祭取陝西巡

茶御史選京選差行人二員禁茶如舊追贈真人喻
道純父宗敬爲太常寺寺丞母楊氏爲安人自內旨
開秦川火起山南當縣申家莊銀喇九月丁未日有
食之陳州知州戴斯秩滿當遷州人言其政命復任
降俸二級旌異石阡知府楊榮晉州判官張綱賜誥
勅賜落反縣於慶遠府嘉慶初屬南丹州土種覃仕
武苦莫法較屬與知州莫必
十月增設專理河道工部官一員禮部
左侍郎萬祺至改爲工部十一月癸亥冊立皇太子
詔天下陞右通政程萬里爲戶部右侍郎侍講學士
尹直爲禮部右侍郎太常寺少卿孫廣安爲本寺卿

自內旨十二月陞大醫院院使方賢爲通政司左通

政仍掌院事

時賢自結於太監黃賜爲賜蓋寺以修衙門爲名据撫罰納銀募匠易木所費

不貲以此得寵前此雜流陞四品官帶俸者止太常太僕少卿及順天府丞以通政官帶俸者自賢始

申明洪武間學規於國子監置高明縣編發自宮者

於海戶令再犯者處死全家發邊遠充軍旌異萊州

知府熊瓊韶州府同知方新成都府同知李祥東昌

府通判蕭彥敬河南布政司理問諸豫歸德州判官

陳獻賜誥勅己亥復邸王帝號上尊諡曰恭仁康定

景皇帝修飾其陵寢

十二年正月是月南京陰霾蔽日地震有聲二月己

亥朔日有食之增設山西忻代諸州縣勸農官己丑
月食給獄囚藥餌三月冊陽鑄爲魯王李震破靖州
苗賊五月復罷遣陝西巡茶行人陞工部左侍郎萬
祺爲本部尚書自內旨勅都察院左副都御史原傑
往荆襄等處撫治流民六月瀧水等縣徭賊四出焚
劫浚通惠河成蒙化洱海鶴慶大理趙州鄧州等處
盜起七月皇第六子生定京操軍逃亡罪例黑青見
命宋儒朱熹十世孫燉襲翰林院五經博士奉記事
設貴州程番府太學士商輅等條陳時政六事其一
言哈密等處番人來京攜帶玉石多被細人誘引進

貢計囑行戶高直賣官規取厚利聞往番僧往往自
都綱禪師陞至國師佛子法王等給與金銀印信圖
書其有死亡徒弟承襲更求造塔二者皆侵耗朝廷
財物宜行禁治其一言廣東雲貴等處有貢奇花異
草珍禽奇獸珍珠寶石金銀器物此物非出所貢之
人必取諸民取民不足又取之土官夷人家一物之
進其直十倍暴橫生靈激變邊方莫此爲甚乞勅內
外臣自後皆毋進其一言永樂閒以交趾爲郡縣其
後守鎮非人遂致陷失今兩廣四川貴州雲南俱係
邊遠雲南與交趾尤爲切近蠻夷土官易生事變宜

命吏部推選剛正有爲大臣一員巡撫其處上嘉納之以黑青見祭告天地于禁中遣官審錄天下罪囚八月改南京戶部左侍郎王恕爲都察院左副都御史巡撫雲南丁丑內承運庫監生袁慶祥見帑藏虛耗歲入不供而售直寶石無虛日月因上章極言命杖五十送吏部令肄業國子監慶祥後舉進士歷官刑部主事員外郎爲廣東按察司僉事大學士商輅言郊祀之禮歲一舉行至重事也邇聞皇上廣敬天之心建祠宮北奉祀玉皇製造祭物祭器樂舞之具一如郊廟并新編樂章命內臣習之欲於道家所言神降之日舉行祀禮臣等竊

詳皇上爲此毋非欲上爲母后祝釐下爲生民祈福
便稽之於古未合禮經昔傳說告高宗曰黷于祭祀
時謂弗欽禮煩則亂事神則難伏望停罷凡內廷一
應齋醮亦悉禁止從之丁亥月食九月妖人李子龍
等伏誅增孔廟籩豆佾舞之數以邊警方劇令旗軍
有能出貲募兵滿百人以上者賜冠帶封謚銷爲伊
王偕濤爲韓王以征靖州苗功封李震爲興寧伯詔
撫綏流民十月傳奉監生李英儒士顧經萬燭卽存
敬等二十人俱冠帶中書科食糧御用監辦事

英等
諸事

大監梁芳韋力轉相附結遂得進用往往取釋老書
及小說不經之語繕寫成帙標爲異名以進驟至美

官有一歲三四遷者經父理以巫起為太常卿繪工部侍郎祺養子存敬初名棧為驛丞罷官至是改名其他多宦家子孕顏三衛夷人復請開馬市不許勅及市井無賴云
邊臣防邊置饒平縣十一月續資治通鑑綱目成上製序文升首陞南京禮部左侍郎倪謙為本部尚書翰林院侍讀學士錢溥為南京吏部左侍郎國子監祭酒周洪謨為禮部右侍郎仍掌監事自內旨開設
鄖陽府

十三年正月庚子朔增孔廟籩豆樂舞之數二月癸未月食閏二月禁通報旨意命監察御史吳道宏往鄖陽府安撫人民勅廣東按察司副使陶魯提督高

雷二府兵務防禦蠻寇三月慎妖言之罪

時西廠行專旗較以

捕妖言圖官賞無藉者多為偽誘愚民而後以請告行事者撫之加以法外之刑究死相屬無敢言者故命置商南縣陞商縣為州命慎選王府官嚴保勘

考試之禁四月封芝北為唐王修續資治通鑑綱目

成五月罷西廠之緝事者禁過刁訟六月嚴捕盜之

令革兵部尚書項忠職為民

項忠字蓋臣嘉興人正統七年進士授兵部主

事遷員外郎十四年扈從北征陷虜中以智自拔歸

進郎中景泰初推廣東按察副使按部高州謀報賊

黨男婦數百流劫村落部將請發兵忠口流賊無攜

家理慎無妄殺及訊其俘果皆良家被掠者盡釋之

四年征瀧水賊有功丁外艱服除改山東天順三年

擢陝西按察使丁內艱軍民詣闕借留詔起復之七

年召為大理卿借留者再至乃改都察院右副都御

史巡撫其地平洗屢諸番亂再與寧遠伯壽彰武伯

信無虜有功成化三年召還佐院事其明年固原土
胡滿四據石城叛復以忠總督軍務與都督劉玉討
之伏羌伯忠戰死我軍遽却忠即陣斬一千戶以徇
衆乃定廷議請益兵詔問忠忠謂不須益可坐而困
之相持百餘日單騎抵賊寨諭以禍福勝從者稍出
降其遠出者皆縱使去以服其黨賊寨每突圍薄我
大小三百餘戰皆却之擒其愛將楊虎狸解所服金
鈎賜而遣之約爲內應卒擒滿四斬首七千六百俘
獲二千六百有奇五年遷右都御史六年荆襄賊李
壽子者本劉千斤餘黨倡流民爲亂忠復總督軍務
乃遣人持榜出入招諭其脅險不服者縱兵搜捕凡
發遣還鄉者百四十萬編戍者萬餘斬首二千餘級
獻俘于朝者百餘人詔暫留撫治進左都御史會李
星見言者謂荆襄殺戮所致忠再疏自列因乞骸骨
上溫詔慰忠且召之還十年拜刑部尚書尋改兵部
汪直開西廠錦衣百戶韋瑛挾直勢調察屢興大獄
忠草疏倡諸公卿奏罷之直內銜忠忠不自安乞歸
未行直嗾東廠誣以賊私事上命三法司錦衣衛會
問忠抗辯不服衆知直意無敢違者而忠坐爲民久
之陷忠者次第敗復兵部尚書政仕弘治初以建儲

再遷光祿大夫十五年卒年八十二賜祭葬諡
襄毅錄孫錦為嘉興所千戶忠剛果沉毅遇事敢為
故能臨敵制勝而實錄言其在荆襄時汪直復開西
驅逐流民以振繫死道路者不可勝紀

廠兩錢于京師太子少保吏部尚書兼謹身殿大學

士商幹致仕商幹字弘載淳安人宣德乙卯登解浙

修撰尋命進學東閣郎王監國陞侍讀擢入內閣時
英廟北狩力沮南遷之議處逼京成與羣臣議經畧

戰守久之陞兵部右侍郎兼左春坊大學士仍兼學
士天順改元以景泰易儲事黜為民成化二年復前

職與彭時議慈懿皇太后葬禮率廷臣伏闕爭陞尚
書仍兼學士己丑冬煥陳時政辛卯冬堽見復疏八

事壬辰以天下水旱相仍請省科斂減力役寬兩稅
弛利禁乙未進兼文淵閣大學士丙申加太子少保

改吏部黑青見復陳時弊丁酉兼謹身殿學士與同
官論罷西廠尋乞歸軫寺後山時謀度湖涇詞氣溫

徐居平敬慎論古今治亂得失是非堽七月詔兩京
堽不能文蹟盈案裁決如流卒諡文毅

名山氏
典謨記

堂上官五品以下者從吏部依例會官考覈

時當考察堂上

官皆自陳太常寺寺丞吳亮亦自陳休致上意其僭故有是命賑恤京都民之被水

者勅諭各邊鎮守巡撫等官從宜計議彼處弭盜安

民之術選將練兵之方備奏以聞辛巳月食八月命

杭州府祭唐臣褚遂良上曰山東兗州及南直隸諸

府州雨水爲災民甚饑窘朕實愍之戶部臣其擇廉

能郎官五員分往賑濟復設河南巡撫官詔留巡鹽

御史雍泰一年以撫恤兩淮竈丁東廠官較發雲南

百戶左昇私事詞連通政司掌司事工部尚書張文

質及他官錦衣衛遂併執文質左通政何琮等以掌

印請上始知之卽命釋文質而責問錦衣衛官胡擅
繫大臣者指揮使朱驥自伏命停驥俸三月九月詔
逐罷閒官吏人等之匿京師者詔自今邊儲三年一
盤查著爲例置三水縣陞蘭縣爲州吉王見浚之國
是月也以傳奉得官者三十有餘人十月復立哈密
衛於苦峪谷以淮安鳳陽饑荒暫止徵備用馬詔會
舉將材十一月嚴文武乘輜之禁詔稽覈遼東屯田
許朝鮮國市弓角

朝鮮國王李藝奏言小邦北連野人南鄰島倭五兵之用俱不可缺

而弓材所需牛角仰於上國今互市銅錢弓角等物
朝鮮禁甚嚴竊惟高帝時待遇小邦異於諸藩嘗有火
藥火炮之賜望特許收買弓角不與胡人一例兵部
言朝鮮恭順之國果與諸夷不同宜許而限其數上

令每歲許買
弓角五十

上以天下官吏朝覲姦詐之徒或緣私
仇妄相告訐嚇騙財物及陰構以事中傷良善又賢
否黜陟朝廷自有常典乃有與京官往來交通營求
作弊者竝命都察院榜禁之十二月戶部郎中李炯
然陳鳳陽諸州府救荒之策其一言建吳二廩人家
眷十八口已物故大半而月給米二十五石如舊請
量減之下戶部議可從上不許曰此先帝之賜數戊
申月食以太子太保兼都察院左都御史王越有紅
鹽池撲虜功命爲兵部尚書仍太子太保兼左都御
史及原加俸一級

十四年正月傳奉降太常寺協律郎丁永中爲本寺
寺丞襄王瞻墻薨定官軍歇操例歲以二八之月起
操至五月十一月大寒暑而止禁革倉場積弊二月
虜犯遼東靉陽堡殺掠甚衆陞錦衣衛指揮使萬喜
爲都指揮同知指揮僉事萬通爲指揮使正千戶萬
達爲指揮僉事予世襲命中外軍政官五年一考選
皇太子出閣進學增設雲南按察副使一員整飭臨
安兵備罷朝天宮工役命官軍五千修國子監賜山
東按察副使陳相鳳陽府通判馮珪登州府通判袁
玘開州判官林彥綱誥勅旌其善政總兵官都督同

知歐信巡撫遼東右副都御史陳鉞以襲擊三衛夷之捷聞三月冠皇太子十三道監察御史言竊見巡撫寧夏賈俊奏稱邊儲匱乏欲將河南陝西山西北直隸兩考吏典及在京各衙門辦事滿者俱令納銀免其考試卽與冠帶民閒子弟納銀許充知印承差府州縣等官三年六年考滿納銀免其赴部考績戶部議爲准擬詔旨許其通行稽之往年陝西一方偶有納馬納草事例至今朝論不以爲是堂堂天朝富有四海令量入爲出用一省百邊儲胡患不充軍需胡患不足而爲此賣官鬻爵之事伏乞痛革前弊別

圖長策使邊備不乏名器不濫上曰漢文帝從晁
備邊之策後人惜其作偏納銀足邊後世謂何御史
言是一切罷之錄陝西岷州擒斬番賊功命禁安南
國使臣多挾私貨有言建州三衛夷故無罪陳鉞邀
擊爲功勅兵部左侍郎馬文升等往招諭之盜起福
建上杭縣勅鎮守太監盧勝巡按御史戴用等督捕
之巡撫遼東右副都御史陳鉞再以擊建州之捷聞
封閉烏撒衛天生橋稻田壩奈章場等處銀峒復開
遼東廣寧等處馬市陳鉞奏永樂間遼東設馬市三處一在開元或南關以待海西女直一在廣寧城以待朵顏三衛正統間因渴漚邊情已罷其二惟開原南關市獨存近者朵顏窮迫潛

結海西轉市於我而海西藉彼馬力數犯我邊若許
復開則有以收朵顏之心散海西之黨而中國并受
其利下廷臣起都察院右僉都御史高明巡撫福建

以平盜高明貴溪人少刻陂愈母景泰二年舉進士

吏例當戊明議戊例為誣訴設今所奏實不過當杖

制可著為令州又以妖言十餘人具反獄聞明訊無

狀止坐本律出按河南河徙民就居河旁浮淤地議

者秋後嚴取明曰河徙無恒安知異日之不為河耶歲

滿巡畿內入與吳深對掌三法司奏績汝言其聲益著

妙天順改元奉同官劾兵部尚書陳汝言其聲益著

院獄四五十餘人白晝劫獄明等延劾天下朝觀官

者掩指得之四年與御史趙明等延劾天下朝觀官

疏詞頗激上詰主筆者明請圖任不以累趙都御史

寇深言上都察院累年輝文奏章皆出高明之手宜

日能御史也吏部擬出為按察使上謂李賢此人宜

內任又謂寇深可都御史也未幾遷大理丞成化元

年擢南京右僉都御史南京自春徂夏陰晦淫雨揚

州人民無故驚疑扶老攜幼俱往南奔兩月方定明

上言宜修人事以回天意下禮兵二部禮部尚書
夢請勅兩京文武羣臣修省兵部尚書王政請飭南
京守備等官飭武事防不虞皆從之又言刑部郎中
孫瓊陳鴻漸梅倫兵部郎中何宜工部主事宋瑛皆
廉潔端方拙於謀身不求知聞毅然求退乞勅吏部
顯擢以獎恬尚又言學校人才所出而近年開四十
歲以上及納馬等例多至萬餘人昔唐德宗欲官獻
公策者陸贄進諫臣今亦恐舉人相謂納馬入監等
吾明經朝論難之頃之楊州鹽徒爲盜殺巡江千戶
及巡簡官兵十餘人勅明從宜督捕明遣巨艦名曰
壽亭督卒伍往來江南北會朝廷遣中官及錦衣較
卒五十人籍首惡家明慮變起館穀五十人者不使
出戶而外授方畧督兵分擒九百人盡得之中六十
餘人劫賊復入江爲盜明使伏於蘆洲伺其出沒蹙
入蘆盡擒之召還京以親老乞終養既免喪闋上抗
盜作妨復起得便宜行事明力疾上道俘獲四百餘
人誅其首惡四十遂請析縣之縣名永定旋乞致仕
卒明廉約清峻所至整肅恬于仕進但規摹頗隘不
能有容晚年女已聘某人四月陳鉞復以擊虜之捷
改適宗室爲鄉人所薄

聞巡撫四川贊理軍務右副都御史張瓚以破松慶等處夷寇之捷聞五月以尚寶司少卿戴縉爲右僉都御史自內旨翰林院儒臣編集御製詩成遼王壕城薨商州大水民多渰沒六月設恩平縣陳鉞復以擊虜之捷聞命太監汪直往遼東處置建州三衛邊務英國公張懋等奏京師大圓通等寺非有不可已之役而官軍所以威勢而懼戎者也而動撥營造當此暑雨下情不堪且今邊報迭至正蓄威養銳之日請行暫止上曰內官監材料具備借力一運秋可畢工毋止也大慈恩寺禪師喃渴領占等乞給銀印許

之福建盜平普定等處變賊劫掠總兵官吳經等欲
大發湖貴雲南兵擊之上曰貴州笨阻恐未必得賊
徒傷無辜其勅巡撫鄧御史陳儼往度之儼七月
以北直隸山東水遣官勘濟八月上曰畿內山東諸
府災傷甚其合追糧草馬匹及一應差役宜停止分
豁者具奏聞選官分賑之江西亦水其令南京刑部
右侍郎金紳往視科道官各上救災事宜因言比來
各色工匠或自叙斤斧微勞或造奇巧玩物希求恩
典輒受官職至於官軍捕獲妖言乃其本事不論輕
重一槩遷官況其中枉誣比比別賞過中亦災所繇

乞勅吏部自官匠出身者裁其月俸第許榮以冠帶
勅兵部計議捕獲妖言明白者止加給賞不予以官
下所司停徵順天府民借支倉糧免其所負羊毛禁
私鑄錢戊申早朝東班官若聞有甲兵聲者皆辟易
不成列衛士露刃備不虞久始定莫知故已命班居
下者百餘人臨午門踰時釋之因申明朝儀八事執
巡撫蘇松等處都察院右副都御史牟俸下錦衣獄
傳陞錦衣衛故帶俸百戶施良子仁爲實授百戶百
戶王英爲帶俸正千戶九月定隱匿賊情罪例免被
災囚人納紙十月勅捕倭於揚州給宛大二縣養濟

院貧人布二千五百餘疋巡撫遼東右副都御史陳
鉞奏比聞建州衛夷虜酋卜刺答等仍糾餘黨盜邊
宜復調軍檇巢永除患苦下兵部尚書余子俊言建
州海西諸虜近蒙恩諭多已改悔鉞出傳聞復請加
兵恐起舊釁乞令嚴飭所部詳加偵瞭至乃出擊去
勿窮追倘卜刺答等服罪入貢及朵顏三衛被滿都
等仇殺避難近邊俱宜曲加慰撫毋貪功妄殺失朝
廷懷柔之義詔可十一月始令翰林官習儀先是翰林院官
僚自永宣以來並免習儀至是萬壽節錦衣緝事官
輒奏學士王獻簡討張泰不赴上命鞠問之獻泰舉
故事以聞命宥之仍命自今內裁革廣西養利州土
閭辦事者免其餘並習儀如常

知州永康縣土知縣置流官修南京稷殿十二月諭
戶部臣曰今歲北直隸水災殊甚聞紫荆關水門被
水閘流至涿閘門則人民禾稼災困可知有田畝應
免者悉免之癸卯月食申在外武官私役軍士禁稅
十五年正月二月禁自宮以求進者四月以吏部聽
選官李孜省爲太常寺寺丞監察御史楊守隨等言
我祖宗立法定制官人必繇資格核士必考素行是
以奸僞衰止流品疏清至於祭祀之禮罪人不得供
事刑官不得省牲疾病刑喪不得陪從其典尤重李
孜省故胥也受賂逃匿數於京師其資格則刀筆也

其情罪則胥靡也小方投合忽無級陞命下之日士
論沸騰奈何用此奸罪穢人瀆事天地宗廟之駿奔
吏科給事中李俊等亦以爲言上曰其改之上林苑
監乃以爲左監副慶王遂璧薨五月兵部左侍郎馬
文升坐招撫建州海西夷夷人復犯邊都察院右副
都御史牟俸坐受人財皆下獄謫戍上曰牟俸職司
風紀大肆奸貪馬文升撫夷也夷復變六科十三道
胡容隱不糾奏者其陳狀於是給事中李俊等二十
七人御史王濬等二十九人合詞請罪詔廷杖之人
二十陞都察院右僉都御史戴縉爲右副都御史自

內旨特加工部尚書萬祺太子少保七月命汪直行
邊八月南京刑科給事中李鸞先奏南京工部所屬
虛費官錢下南京工部覆之覆上言妄調鸞爲判官
已南京科道奏鸞言無非爲國節費雖不實乞宥罪
上曰有旨旌異桂林知府金純武昌知府秦夔濟南
知府王璟揚州知府周源廬州府同知李鳳霸州知
州蔣愷廣德州知州周瑛深州知州韓儒道州知州
方璟六合知縣唐詔藁城知縣李興陽曲知縣宋賓
賜誥勅

瑛莆田人成化己丑進士授廣德州知州教
民遵義祭法戒溺女遷南禮部郎中守撫州

調鎮遠累官四川右布政使致仕先是陳獻章倡習
靜之說而嘉魚李承箕得其傳瑛移書讓之曰始學

之要先收放心收放心居敬是也居敬則心存聰明
睿智皆繇此出然後可以窮理所謂窮理者非謂靜
守此心而理自見蓋推之以至其極也孟子曰萬物
皆備於我言人心無外也不卽物窮理能盡此心之
體乎今不務此乃塊然靜坐求畢用之學吾見其
難已論者謂獻章主靜得聖門宗旨乃其濫觴流於
慈嶺不可無瑛之律呂管鑰字書管鑰等書冊祁鏞爲襄王九
世管

月孝陵大風拔木遣守備成國公朱儀祭告于孝陵
傳奉陞禪師結幹領占爲國師冠帶監生盧英爲鴻
臚寺序班汪直奏刑科給事中趙良行事輕浮先時
上書不謹難居言路外調之十月命汪直監督軍務
撫寧侯朱永佩征虜將軍印充總兵官討建州夷巡
撫遼東右副都御史陳鉞贊其軍復命朝鮮國王李

妻出兵夾擊之太子少保戶部尚書楊鼎乞致仕不
許再請許之賜勅曰卿歷官翰苑纂修講讀効勞良
多殫心戶部國賦通融厥績茂焉朕方圖任老成卿
乃引年至再茲特允請命給驛舟送歸仍令有司月
給米二石歲撥人夫四備贍用夫優老敬賢者朕之
心執禮養恬者卿之志功成身退者士之榮去國懷
忠者臣之厚卿篤念此尚優游田里化導鄉人使風
俗歸淳治理臻盛則足副朕眷卿亦永終譽哉時方
簡臣朝論以爲優

楊鼎字宗器咸寧人家貧爲童後乃苦學治三經宣德末鄉舉第一

開南京祭酒陳敬宗嚴教卽求入南監從學開戶讀書饗食賜作正統四年會試第一廷試第二授翰林

殺修已已北虜入寇以才堪擇改監察御史治兵充
州事平還朝軍兵迭興莫不流涕遷侍講兼春坊左
中允尋陞工部右侍郎天順元年轉左中貴牛王諭
旨欲轉江南拆糧錄入實內帑而以他物充武職俸
嘉慶客議已之成化四年代馬昂為戶部尚書延綏
用兵廷議預徵邊餉昂言黃河漢唐漕運故道間雖
稍險然三門而上小河可達延綏其迹尚在苟貯糧
水次迴流徐運何所不濟疏上且請身督之竟見齟
不行鼎在官力清利孔所題覆持正不回事出上旨
亦不曲徇每論權貴所立稅鹽二法戶部遵守之十
五年以水旱被劫鼎故與大學士劉珝善後以干托
不從相失鼎知言者見劾皆珝所主懇乞致仕鼎在
官有十思書坐隅曰量思寬犯思忍勞思先功思緩
進思下行使思後名思竭位思卑守思忠退思早居家
思親舊語人及諸子曰平生無所長但識廉耻二字
耳其卒也贈太子少保諡莊敏鼎娶妻時年已三十
夫婦相莊子時暢官至太常少卿時敷舉人為鼎廬
墓弘治初

傳奉陞會稽縣為僧錄司左覺義閏十月

陞大慈恩寺國師乳奴班丹爲灌頂大國師覺義綽
吉堅參爲國師大隆善護國寺灌頂大國師班卓兒
藏卜爲佛子國師著札領占爲灌頂國師其以傳奉
得官者四人十一月戊戌月食朱永襲敗建州夷是
月也以傳奉得官者十七人十二月封朱永保國公
不世加汪直食米歲三十六石陞陳鉞右都御史陞
者千八九十人賞者千五百四人陞大能寺右講經
劄巴宗禁爲國師

十六年正月禁雲南邊軍交通外夷陞應天府府丞
談倫爲順天府尹順天府丞徐英爲河南右布政使

自內旨

倫吏部尚書尹旻心腹而英內閣學士親也

命太監汪直監督軍

務兵部尚書王越提督軍務保國公朱永佩平虜將軍印充總兵官率京兵萬人赴延綏禦虜參將等官皆令直推舉兵科給事中孫博言六事其一言東西二廠緝事旗較多毛舉細故以中復大臣旗較故廝役之徒大臣則股肱之任豈廝役可信反過股肱縱其皆公已非美事一或失實所損實多汪直聞博奏怒甚召詰之上下旨博不諳事固當治也姑恕焉二月詔天下學較孔子廟廷所在凡過門者皆下馬太監陳喜以公事出河間河間知府滕佐等賑民于外

不能供應喜奏之命執赴京擬罪有差朝鮮國王使人來獻建州捷命戶部郎冀綺林同賑濟保定河間二府汪直王越襲敗虜于威寧海子來奏捷遂乞班師許之上曰順天府并直隸府州縣山東饑荒特甚朕不遑寢食光祿寺一應派納供用凡被災處悉爲減省書曰民惟邦本本固邦寧岷王音近薨加汪直歲米四十八石封王越威寧伯仍以太子太保兼都御史掌印提督團營如故五月河間府東光縣地官莊在焉管莊之人畝徵糧二斗科道官言天子四海爲家何必莊田東光之民失土地矣賦斂比之公田

數及三倍民困如此非死卽徙非徙卽盜耳上命祇徵五升三合五勺如開墾荒田則例六月禁貴戚世家侵占民田巡按遼東監察御史强珍奏建州班師亡何虜師四入髮陽清河殺掠男婦五百餘人頭畜無筭實繇前巡撫都御史陳鉞啓釁邀功致其報復諸守將不能禦却之又畏罪貪功隱匿不聞直待朝廷論功陞賞陳鉞回京之後始以入奏請逮問欺罔用正厥罪兵部尚書余子俊等覆奏引皇明祖訓參鉞累犯死罪不宜再縱當從珍言上命守將吳瓚崔勝戴罪殺賊鎮守太監韋朗停歲賜食米半年總兵

都督猷謙與鉞各停俸一年餘皆屬珍逮問之兵科
都給事中吳原監察御史許進亦論劾韋朗等冒功
匿罪雖已停俸尚宜重處其劾陳鉞以爲黃潛善賈
似道之流上曰是業處分姑已之已汪直自遼東還
奏珍行事乖方所參被虜人畜皆妄請治其欺罔命
錦衣衛千戶蕭聚往勘若不實卽械京鞠之七月逐
自宮以求進者申明存恤孤老之令蕭聚至遼東不
能有所勘但械強珍以來汪直先執珍拷掠之然後
聞奏命會官廷鞠坐奏事不實贖杖還職內批謫戍
之遼東尋以兵部及科道官先嘗妄劾陳鉞及都察

院奏差強珍不當俱令回奏皆服罪上責都御史王
越不謹姑宥之兵部科道官停俸各三月鉞舊所停
皆免之以儀真批驗所盤掣私餘等鹽三萬引賜太
監梁芳丙子曉刻月當晦不晦十二月命汪直同太
監傅恭劉恒於神機營把總仍提督十二營南京科
道官復劾奏陳鉞罪上曰前者給事官劾鉞不實已
責之而又何言故當執治姑罰俸半歲傳奉錦衣衛
指揮同知僉事千戶百戶倪端等十一人俱遞陞一
級傳奉序班許暘等爲錦衣衛百戶廟官顧倫爲太
常寺博士及文思院等官毛祥等二十人有差僧錄

司左覺義僧繼曉奏欲齋所賜護勒至湖廣九峰寺
乞給驛馬官船廩餼丁夫家僮三人亦乞行糧脚力
從之蘆湖縣老人張禮前後率領機兵擒盜二百餘
人授九品散官仍令捕盜十一月壬辰月食十二月
虜入大同命汪直監督軍務朱永佩平虜將軍印充
總兵官王越提督軍務往擊之

十七年正月傳奉陞太常寺丞朱福銘本寺卿陞寺
丞顧珏丁永中俱少卿福銘永中絲樂舞生珏絲廟
祝二月命予儒士華岳等十一人冠帶食糧中書科
時內府各監局及在外諸寺觀皆有書辦人員傳錄
造書佛經及詞曲小說所至有違奉內官一二人領

其事書成上進脩以珍玩隨其輕重輕得恩典以陳鉞爲兵部尚書太常寺

少卿顧珏喪母乞誥祭予之吏部尚書尹旻請再贈其父以免再給又予之三月徽王見沛之國汪直來報大同捷遂獻俘加直歲米三百石永世襲爵越加陞太子太傅歲增祿米四百石本色三百折色百石掌前軍都督府事總五軍營兵提督團營操練廕一子錦衣百戶陞戴縉爲右都御史右僉都御史屠滹爲左僉都御史白內旨設平虜衛是月久旱恒風四月掌太醫院事右通政蔣宗武乞原籍官地爲業予之戶科都給事中劉昂等劾宗武猥以未技攘取顯

官請求亡厭乞收前命上曰已賜矣毋擾以風霾勅羣臣修省冊遂塤爲慶王從主客司郎中汪景昂陳請陞爲太常寺少卿文華殿東耳房書辦如故五月陞尚寶司卿任道遜爲太常寺少卿文華殿耳房書辦如故有辨吏王冠者奏稱吏典辦事各衙門率供賤役無異奴隸乞如監生例量減歲月吏科都給事中董旻惡其不揣參送法司擬罪冠不服評事房明強之冠復訐旻與給事中王瑞張雄張晟占吏數多具疏令其子齎至通政司投進而通政司遲之冠又言本司官通政使何琮右通政王杲及吏王忠故延

而右參議劉英泄其事于旻上下旻錦衣衛獄具上
聞上釋琮杲忠不問調英旻於外任英降一級瑞雄
晟明皆停俸三月冠罪如擬越數日吏部擬旻漳浦
知縣英陝州知州有旨責臯緩尚書尹旻伏罪宥之
更調英旻于邊方總督兩廣軍務右都御史李英總
兵官平鄉伯陳政等擊敗猺獞之爲亂者擒斬三千
有奇禮科都給事中張鐸兵科給事中蕭顯以言事
忤旨吏部希意擬外除鐸漢陽府通判顯隴州同知
故事給事中序遷至知府爲劣至是外除爲府判州
佐內旨允鐸再改顯於貴州吏部言貴州州皆裁減

無同知者特命添設於鎮寧宣府虜報至命汪直監督軍務王越佩平虜將軍印充總兵官往擊之六月司設太監王助建寺西直門以工料不足請存積官鹽二萬引下吏部尚書翁世資極言鹽課禁約之例不可開端以匱邊計上曰予引千不爲例鎮守太監劉忠奏山西不歲諸府州衛所該輸柴炭乞暫免之上曰其卽免二季七月命汪直總督軍務王越佩平胡將軍印充總兵官統京營兵分路勦虜所在鎮守總兵巡撫等官聽節制不遵號令者以軍法先從事乃奏聞八月陞上林苑左監副李孜省爲通政司右

通政仍管監事給太常少卿丁永中先任寺丞勅命
工部員外郎蕭奎嘗以事忤中官至是陞雲南按察
僉事提調學較中官言其不稱命調之貴州辛未曉
刻月當晦不晦九月御史十大節言事詞頗切直留
中不報密諭吏部外調之以爲鶴慶軍民府推官李
孜省上官右通政王杲以其雜流心易之孜省進密
帖命調杲太僕寺少卿十月丙辰月食傳奉道錄司
右至靈鄧常恩等爲太常寺卿錦衣衛指揮千百戶
等官有差又以五十餘人十一月汪直奏臣至宣府
分守要害虜知有備遁去近邊無烽火乞班師還京

上曰冬月正宜隄備提督光祿太監楊鵬請陞本寺
寺丞楊惇爲少卿典簿徐敏署正王佐爲寺丞從之
十二月改錦衣衛百戶何瑾爲尚寶司司丞瑾從太監陳喜
引進羣小納賂求官而命王越佩征西前將軍印鎮
守大同仍與汪直提督京營宣府右路軍馬是月也
以傳奉陞官者二十餘人

十八年正月賜太監梁○兩淮運司存留鹽五萬引
傳奉內府供給事者順天府通判沈政爲太常寺少
卿二月汪直王越使錦衣衛帶俸都指揮使汪鉉來
報○之捷陞爲後軍都督僉事內使郭文自南京

還道沛怒知縣馬時中供應不時榜掠時中子至溺
水時中赴水救之起呼冤文禡時中衣紮以行老人
及水夫等繞船大呼叱之不退文使家人田福順以
兵器擊殺老人二人遂相訟於朝命錦衣械時中等
至京鞫之法司坐時中奏事不實贖罪還職有旨降
一級調廣西邊任爲慶遠經歷福順如律抵罪錦衣
衛帶俸指揮使栢珍卒其子乞祭葬特許之旌異太
原知府張鼎懷慶知府倪顒衛輝知府張謙蘇州知
府劉瑀池州知府常顯黃州知府王霽衡州府同知
海輔松江府同知于準薊州知州汪溥耀州知州鄧

眞鄜州知州李瓚隴州同知嚴春湖廣布政司經歷
楊紹澧州知州鮑愷賜誥勅命汪直總鎮大同宣府
等處尋命專鎮守大同是月也以傳奉陞官者十餘
人三月賑濟蘇松淮揚山西大同饑民罷西廠勒兵
部尚書陳鉞致仕右軍都督馬儀南京閒住儀奏就撫遼東
時尅取官銀營求陞職用指揮監造器血役千戶入
京謂事擅殺進貢夷人侵其方物隱匿俘獲男女擇
有邑者二人與子澍分收之與汪直誣陷御史強珍
侍郎馬文升謫戍御史王崇之不從其誣報有功亦
被誣降澍冒授錦衣千戶亦恃勢爲非事下都察院
請追官按之上令鉞致仕儀閒住調澍永平衡左所
差帶傳奉陞尚寶司司丞李景華任傑爲本司卿

陳敦大常寺少卿翰林院侍書嚴勳尚寶司司

丞光祿寺署正楊紀太僕寺寺丞其餘二十人皆以
傳奉得官四月傳奉陞錦衣衛帶俸都指揮同知萬
喜爲都指揮使指揮僉事萬通爲指揮使舍人萬祥
爲百戶帶俸百戶萬通家人徐達爲正千戶較尉劉
惠爲百戶其餘以傳奉得官者五人以不雨遣告天
地山川社稷之神五月刑部右侍郎林鶚子薇援例
乞爲國子監生下禮部以舊例奏上不允曰蔭叙大
臣所以崇德報功示激勸也自今在京三品以上官
舉政績顯著許一子自陳試能通經方許入監容容
保位無益於時者無濫授是月也以傳奉得官者四

十人太監梁芳錢喜家屬與焉

時傳奉盛行名器愈監左右近習各立門

戶恃寵鬪勝而梁芳尤甚每一傳奉除拜滿紙謝恩私第者相踵前後母慮千人

六月虜寇

延綏河西清水營等處邊將分兵禦之有斬獲論功

行賞傳奉南京住俸太監錢能同安寧等守備

能自雲南

同罪重罰輕至是復以進奉獲用

是月也以傳奉得官者十有一人

七月起右副都御史程宗勘處雲南木邦夷情命雲

南布政司歲祭故翰林院學士王禕之祠是月也傳

奉太常寺少卿陳敦爲卿尚寶司卿李景華爲太常

寺少卿其餘以傳奉得官者六十餘人道流畫土工

匠皆與其選八月久雨衛漳漳沱等河漲溢運河口

岸多決河南城署廬舍壞人畜死亡不可勝計南京
尚膳監奉御慶載薦新品物舟及沛其人毆傷縣人
至濟寧笞人懸牆至死管河右通政楊恭以聞命刑
部郎中朱守孚往勘守孚委罪巡河官上言皆宜治
命宥之停俸二月是月也以傳奉得官者十有八人
閏八月武城後衛倉使應時用建言六事其一事言
饒州燒造御器使內臣監督供費濫溢自後請但降
式於諸司使造上上詰通政司官何琮等何不參駁
皆服罪停俸遂命錦衣執問之錦衣坐時用建言希
進指斥不恭法司擬贖杖還職命調之邊方巡撫山

西左副都御史何喬新劾奏按察僉事尚敬劉源曠職延獄併乞通行天下巡按御史凡三司官滯訟半年以上者悉奏請執問上曰刑獄重事也周書曰要囚服念五六日至于旬時桎梏綬綬久拘繫之不瘳死耶喬新劾奏甚善其卽究治其人令天下刑官謹獄以副朕意是月也以傳奉得官者十有四人九月分守獨石馬營右少監崔榮署都指揮僉事吳儼追虜被圍棄而逃上怒逮獄論斬榮求於近幸乃自訟上曰念其追敵非坐視者於是榮儼竝得降級庚戌月食是月也以傳奉得官者二十四人而姚福員以

白衣爲錦衣千戶十月陞湖廣茶陵縣爲州傳奉

南京濟川衛軍章瑾役召還之

瑾以人匠販進寶石官盜開庫銀家財

累巨萬賄賂中官無所不至先生罪充軍至是復以幸還

是月也以傳奉得官者

二十有五人十一月禁諸王府不得與親屬爲婚姻

吏部請補六科左右給事中之缺命疏名上僅陞兵

科給事中張以弘爲禮科給事中及補南京工科一

員自是見任科官不及額員之半太常寺奏太祀將

及有看牲分獻禮各衙門帶俸官例不得行獨去年

以分獻命通政司帶俸右通政李汝省今看牲官數

未敢定擬上令汝省仍分獻免其看牲

汝省先爲太常寺丞以科

道官常劾其坐罪例不當供祀而罷既復進
乃以祈邪術蒙幸預郊祀分獻歲以爲常是月也

以傳奉得官者五十有七人而掌太常寺事禮部左
侍郎劉岌得爲本部尚書掌寺事如故太常寺少卿
丁永中得爲本寺卿禮科左給事中張以弘得爲本
科都給事中大慈恩寺灌頂大國師劄實堅剏乳奴
班班丹得陞爲西天佛子賜詔命衣帽等物復以傳
奉予兩淮鹽引太監劉通得一萬王包得六千錦衣
千戶徐達得三萬十二月文華大訓成以授皇太子
其書四綱二十四目四綱曰進學曰養德曰厚倫曰
明治上親序之復題其後曰惟我祖宗定制皇太子

既立中外政務率令啓聞欲其廣見識達治體也朕
侍皇考日亦嘗命見羣臣預聞政理臨馭以來兢業
圖治十有九年于茲蓋嘗因旱郊禱惕于星變肆赦
海內葺郊壇以奉大祀增籩豆樂舞以禮先師廣進
士之額重老臣之歸加養濟窮民之廩開武學儒生
之貢減糴出賑以濟民饑恤刑審錄以清獄訟修文
究武飭內攘外朕宵旰靡遑慮功業之未茂也夫爲
治之道舉綱必挈其要張目必該其凡是編所述庶
幾盡之爾尚究心副朕豫教之意念之哉手勅陞太
子太保吏部尚書萬安爲太子太傅兼華蓋殿大學

士太子少保戶部尚書劉翊為太子太保兼謹身殿
大學士少保禮部尚書劉吉為太子太保兼武英殿
大學士尚書如故錄刻復哈密衛右都督罕慎為左
都督仍掌衛印其餘論功有差定僧道犯公罪不還
俗人令巡撫南直隸兵部尚書兼左副都御史王恕
奏言律法僧道罪會經決罰者並令還俗
而江志僧道多因被人侵佔田土負欠租稅註誤致
罪者請同常人收贖法勿令還俗都察院會六部議
奏從之
申命犯罪充軍不勾丁補役之外監察御史姜昂
言天下官民犯罪充軍者宣德十年詔令止終本身
今有司遇凡逃亡事故率多勾丁補役殊失罰弗及
嗣之義并違舊制章下兵
部言申明禁止天下從之